

შპს „საქართველოს ბიზნესის აკადემია-SBA“-ის ფინანსური მდგრალობის ანალიზი 2022 წ.

საქართველოს ბიზნესის აკადემია-SBA განვითარებაზე ორიენტირებული პროფესიული საგანმანათლებლო დაწესებულება, რომელიც ახორციელებს პროფესიულ საგანმანათლებლო პროგრამებს, როგორც სადიპლომოს და ასევე, პროფესიული მომზადება/გადამზადების სასერტიფიკატო პროგრამებს და საზოგადოებას მუდმივად სთავაზობს მთელი სიცოცხლის მანძილზე სწავლის შესაძლებლობას.

დაწესებულების მჭიდრო კავშირი და თანამშრომლობა ბაზარზე არსებულ წამყვან კომპანიებსა და პოტენციურ დასაქმებულთან, კიდევ უფრო ზრდის საგანმანათლებლო პროგრამებისა და კურსდამთავრებულთა კონკურენტუნარიანობის ხარისხს.

კურსდამთავრებულთა დასაქმების ხელშეწყობის მიზნით, აკადემია პერიოდულად აწყოებს დასაქმების ფორუმს, რაც ჩვენი კურსდამთავრებულების დასაქმების მაღალ მაჩვენებელს განაპირობებს.

ქვეყნის შიგნით ბაზრის სუბიექტებისა და საგანმანათლებლო მომსახურების ადგილობრივ მსურველებთან თანამშრომლობის გარდა, აკადემია აქტიურად მუშაობს ინტერნაციონალიზაციის პროცესზე და ახორციელებს ინგლისურენოვან პროგრამას. ჩართულია საერთაშორისო საგრანტო პროექტებში და აქვს მჭიდრო კავშირი ევროპის წამყვან კოლეჯებთან. ამ თანამშრომლობის ფარგლებში აკადემიამ 2022 წ. უმასპინძლა გერმანელ სტუდენტებს. დაწესებულება აქტიურად განაგრძობს თანამშრომლობას ქართველი სტუდენტების გაცვლით პროგრამებში ჩართვის მიზნით.


აკადემია წარმატებით ახორციელებს პროფესიული მომზადება/გადამზადების პროგრამებს პროექტის „სამუშაოს მაძიებელთა პროფესიული მომზადება-გადამზადების და კვალიფიკაციის ამაღლების სახელმწიფო პროგრამები“ ფარგლებში.


ზემოაღნიშნულიდან გამომდინარე, მზარდია აკადემიის როგორც შემოსავლები, ასევე ხარჯები. აკადემიაში მიმდინარე პროცესებიდან და მომავალში დაგეგმილი აქტივობებიდან ჩანს, რომ მისი შემოსავლები დივერსიფიცირებულია და არ არის დამოკიდებული მხოლოდ სტუდენტთა მიერ გადახდილ სწავლის საფასურსა და ვაუჩერულ დაფინანსებაზე.

წინამდებარე დოკუმენტში წარმოდგენილია შპს “საქართველოს აკადემია-SBA”-ს 2022 წლის დაფინანსების წყაროების ანალიზი. კერძოდ, განხილულია შემოსავლებისა და ხარჯების დინამიკა და მათი შინაარსი.

როგორც აღინიშნა, აკადემიის დაფინანსების წყაროები არ არის დამოკიდებული მხოლოდ საგანმანათლებლო პროგრამებიდან შემოსავალზე. *დიაგრამა N1*-ზე წარმოდგენილია შპს საქართველოს აკადემია-SBA-ს მთლიანი შემოსავლებისა და ხარჯების 3 წლის დინამიკა.

ბოლო წლის დინამიკა აჩვენებს, რომ დაწესებულების შემოსავლები მკვეთრად მზარდია. შესაბამისი დინამიკა ახასიათებს ხარჯებსაც. თუმცა, დიაგრამაზე კარგად ჩანს, რომ დაწესებულების შემოსავლები მნიშვნელოვნად აღემატება ხარჯებს, რაც კომპანიის ფინანსურ მდგრადობაზე მეტყველებს.



მთლიანი შემოსავალი

აკადემიის მთლიანი შემოსავალი 2022 წელს წინა წელთან შედარებით შემცირებულია 1,1 %-ით.

შემოსავალი ძირითადი მომსახურებიდან, კერძოდ, სადიპლომო პროფესიული საგანმანათლებლო პროგრამებიდან, 2022 წელს წინა წელთან შედარებით გაზრდილია 49 %-ით. აღნიშნული შემოსავლის ზრდა განპირობებულია აკადემიის მიერ პროფესიული საგანმანათლებლო პროგრამების დამატებით და შესაბამისად, პროფესიული სტუდენტების რაოდენობის ზრდით. ის ფაქტი, რომ რიგი პროფესიული საგანმანათლებლო პროგრამები დაფინანსდა სახელმწიფოს მიერ, მამოტივირებელია პროფესიული განათლების მიღების მსურველთათვის.

რაც შეეხება შემოსავლის დივერსიფიცირებულ ალტერნატიულ წყაროებს, მასში შესულია:

- პროფესიული მომზადება/გადამზადების პროგრამებიდან შემოსავალი, რომელიც 2021წ. შემოსავალთან მიმართებით შემცირებულია 80%-ით, რაც გამოწვეულია იმით, რომ 2022წ.-ს სახელმწიფოს მიერ აღნიშნული პროგრამების დაფინანსება განხორცილდა ერთხელ წლის განმავლობაში, ხოლო 2021წ. დაფინანსდა ორი ნაკადის მიღება.

- პარტნიორი ორგანიზაციისთვის პროგრამების დაწერიდან შემოსავალი.


ალტერნატიული წყაროებიდან შემოსავალმა 2022 წ. შეადგინა მთლიანი შემოსავლების 7%.

-დაწესებულების დამატებით შემოსავალს (სხვა შემოსავალი) წარმოადგენს სარეგისტრაციო მოსაკრებელი უცხოელი სტუდენტებისთვის, ცნობის საფასური, საპროცენტო შემოსავლები და ა.შ.

- დამატებით შემოსავალში შესულია ასევე, აკადემიის მფლობელობაში არსებული, ავტორიზაციის მიზნებისათვის გამოუყენებელი ფართის იჯარით გაცემისაგან მიღებული თანხები.

აღნიშნულმა სხვა შემოსავალმა 2022 წელს შეადგინა მთლიანი შემოსავლების 5 %.

მთლიანი ხარჯი



აკადემიის მთლიანი ხარჯები წინა წელთან შედარებით გაიზარდა 30 %-ით.

-შრომის ანაზღაურების ხარჯი, რომელიც აკადემიის საერთო ხარჯის 56 %-ს წარმოადგენს, წინა წელთან შედარებით 21%-ით არის გაზრდილი. სახელფასო ფონდის ზრდა გამოწვეულია

კვალიფიციური კადრების მოზიდვის მიზნით, პროფესიული მასწავლებლების გაზრდილი რაოდენობითა და მათთვის ანაზღაურების მატებით. ასევე, გაიზარდა ადმინისტრაციული პერსონალის რაოდენობა და ანაზღაურება.

-2022 წ. ბოლოს შპს საქართველოს ბიზნესის აკადემია - SBA-ის ბალანსზე რიცხული ქონების ცვეთამ და ამორტიზაციამ ხარჯების 5% შეადგინა.

-საგადასახადო ხარჯში ქონების გადასახადთან ერთად შესულია ორგანიზაციის მიერ გადახდილი საპენსიო შენატანები, რისი გადახდის ვალდებულებაც დაწესებულებას წარმოეშვა 2022 წელს.

-სხვა საერთო ხარჯი აერთიანებს ისეთ ხაჯებს, როგორებიცაა, სარეკლამო კამპანია, საოფისე ხარჯები, ბანკის მომსახურების ხარჯი, მიმდინარე სამეურნეო ხარჯი და სხვა .

- სტუდენტთა სწავლების ხარჯებმა 2022წ. შეადგინა მთლიანი ხარჯის 7 %, აღნიშნულ ხარჯში შესულია პროგრამებით გათვალისწინებული მასალა-ნედლეულისა და სტუდენტთა ინიციატივების მხარდაჭერისათვის გახარჯული ფინანსური რესურსი.

აკადემია მუდმივად ზრუნავს სტუდენტებზე და ახორცილებს სხვადასხვა ტიპის სოციალურ პროგრამებს და აქტივობებს. მაგ: თუ სტუდენტი არის სიღარიბის ზღვარს ქვემოთ მყოფი ოჯახიდან, მას სწავლის საფასური უმცირდება 20%-ით, ან თუ ერთი ოჯახიდან ერთდროულად სწავლობს ოჯახის ორი ან მეტი წევრი, ოჯახის ერთ წევრს სწავლის საფასური უმცირდება 20%-ით. ასევე, მაღალი მოსწრების მქონე სტუდენტების მოზიდვის მიზნით, აკადემია 15%-იან ფასდაკლებას უკეთებს იმ სტუდენტებს, რომლებმაც ეროვნულ გამოცდებზე დააგროვეს გარკვეული რაოდენობის ქულა და სხვა.

საქართველოს ბიზნესის აკადემია-SBA
ფინანსური მენეჯერი